

Universitätsbibliothek Paderborn

**Disputationum// Roberti Bel-/Iarmini Politiani,// Societatis
Iesv// De Controversiis// Christianae Fidei, Adver-/sus
huius temporis Haereticos,// Tomus ...**

De Sacramento Evcharistiæ - Sex Libris Explicata

Bellarmino, Roberto Francesco Romolo <Heiliger>

Ingolstadii, [1589]

VD16 B 1603

XXII. Totam Sacramenti rationem in vna specie inueniri.

[urn:nbn:de:hbz:466:1-54113](https://nbn-resolving.de/urn:nbn:de:hbz:466:1-54113)

vi concomitantiae naturalis; & quod non est sub specie vini ex
vi conuersio[n]is, est ex vi similiter concomitantiae.

Quod autem nugatur Hermannus, totum Christum esse
sub utraque specie, non autem sub altera tantum; ex mera vel
imperitia, vel impudentia nascitur. Dum enim sanctus Tho-
mas dicit, totum Christum esse sub utraq[ue], intelligit sub utra-
que disuntim, & seorsum: nam alioqui non poneret parti-
culam aduersatiuam (tamen) sed coniunctiuam (&c.). Et præ-
terea caro, & sanguis non faciunt Christum totum, nisi ad-
dantur anima, & diuinitas: non ergo significat S. Thomas (vt
Hermannus somniat) totum Christum esse in Eucharistia,
quia in pane est caro, & sanguis in vino.

Habemus ergo principale fundamentum eorū, qui Com-
munionem utriusque speciei necessariam esse iudicant, pro-
fus inutile, & planè putridum esse. Vnde Concilium Constan-
tiense sess. 13. & Basileense sess. 30. cùm definiunt alteram spe-
ciem satis esse, hoc argumento vtuntur, quia totus Christus
in altera, sicut in utraque sumitur. Nunc ad alterum funda-
mentum de ratione Sacramenti accedamus.

C A P V T XXII.

*Totam Sacramentum rationem in una specie
inueniri.*

QUÆRITVR igitur SECUNDO, num in una specie
tota Sacramenti ratio inueniatur. Hinc enim val-
de in Catholicos hæretici inuehuntur, quod Sa-
cramentum Domini mutilent, & sic mutilatum,
& imperfectum laicis porrigan[t]. Nam vel panis, & calix sunt
duo Sacra[m]enta, vel vnum. Si duo; ergo populum integro
Sacramento fraudant, qui calicem ei negant. Si vnum; ergo
dimidiatum Sacramentū laicis datur. Et confirmatur argu-
mentum. Nam Eucharistia est coniuicium spirituale: ad con-
iuicium autem non sufficit cibus, sed requiritur etiam potus;
quare populum parùm ciuiliter tractant, qui ad sacras epulas
eum inuitant, & solum cibum sine potu illi tribuunt.

Vt quæstio ista facile, & perspicue explicetur, reuocan-
dum est ad memoriam, Eucharistiam tribus modis conside-
rari posse. PRIMO, vt sacrificium. SECUNDO, vt pignus diu-
niamoris. TERTIO, vt Sacramentum. De singulis breuius ex-
pli-

explicabimus, utrum in una tantum specie saluari possit, ut
meti præcipua nostra quæstio de Sacramento sit.

Sit igitur PRIMA propositio: *Eucharistia, si est pignus am-
oris, potest optime in quanis specie conferuari.* Nam Eucha-
ristia est pignus, quatenus significat, & exhibet Christum pra-
sentem: id autem quælibet species facit. Vnde etiam Ecclesia
Catholica unam tantum speciem exhibet spectandam, cum
sacrificium, & in processione circumfert.

SECUNDA propositio: *In una specie non habetur perficitus
& integrè sacrificij ratio, sed utraque necessaria est.* Nam
Eucharistia, ut sacrificium, significat CHRISTI passionem:
est enim quædam imitatio sacrificij in cruce peracti. Sola-
tem species panis non repræsentat exactè CHRISTVM, ni-
mortuum, nisi ab altera parte conspiatur sanguis, ut effu-
sus. Et similiter sola species vini non repræsentat sufficiens
CHRISTVM, ut immolatum; non enim solus sanguis effu-
sus. PRAETEREA in sacrificio Missæ debet esse re ipsa, quod
fuit in typo in sacrificio Melchisedech, cum sit CHRISTVS
Sacerdos secundum ordinem Melchisedech; Psalm. 109. Mel-
chisedech autem obtulit panem & vinum, Genes. 14. Den-
ique sacrificium propriè ordinatur ad remissionem peccato-
rum; vnde dicitur propitiatorium: sine sanguinis autem effu-
sione, non fit remissio, Hebr. 9. Necesse igitur fuit, ut perfic-
tè repræsentaretur sanguinis effusio.

IDEM colligitur ex Ecclesiæ consuetudine, quæ nunquam
passa in ullo casu est sacrificium offerri sine utraque specie, si
utraq; species haberi possit. Nam in Concilio Toletano VII.
can. 2. statuitur, ut si Sacerdos post inchoatum sacrificium, id
est, post consecratam unam speciem (ut communiter exponi-
tur illud decretum) adeò agrotare incipiat, ut prosequi ne-
queat, alius Sacerdos succedat, & perficiat sacrificium. Et S.
Thomas 3. parte quæst. 83. art. 6. addit, si Sacerdos post con-
secratam unam speciem, recordetur se non esse iejunum, aut el-
se in peccato mortali, aut excommunicatum, auralio vincu-
lo impeditum, doleat corde cum proposito faciendi posita,
quod debet, & nullo modo imperfectum sacrificium relin-
quat. Itaque duarum specierum necessitas, quod non aduer-
tunt aduersarij, potissimum ad sacrificium pertinet.

TERTIA propositio: *In qualibet specie inuenitur tota ef-
ficiencia, ac ratio Sacramenti: ita ut hostia consecrata, si confe-
ratur*

natur in templis, & a laicis sumitur, sine specie vini, absolu-
te, vere, & propriè dici debeat Sacramentum Eucharistiae, non
Sacramentum misslatum, aut dimidiatum. Quæ sententia
habet expressè in Concilio Tridentino sess. 21. cap. 3. vbi de-
finitur, sub una specie non solum totum Christum sumi, sed
etiam verum Sacramentum.

Probatur iam hæc sententia. Nam in quolibet Sacramen-
to requiritur significatio, & caussalitas: est enim Sacramen-
tum signum, & caussa gratiæ. Hæc autem reperiuntur in qua-
libet specie, id est, tam in specie panis, quam in specie vini se-
orsim sumptis. Siquidem significatio Eucharistiae, ut Sacra-
mentum, duplex est, iuxta duplitem eius effectum. P R I O R est
significatio internæ refectionis. P O S T E R I O R est significa-
tio unionis fidelium inter se, & cum Christo. De priore dicitur
Ioan. 6. *Caro mea vere est cibus, &c.* De posteriore i. Cor. 10.
*Vnus panis, & unum corpus multis sumus, qui de uno pane par-
ticipamus.*

Vraque autem significatio in qualibet specie reperitur.
Nam in specie panis significatur sufficienter refectio animæ,
etiamsi non adderetur species vini; & similiter in specie vini,
etiamsi non adderetur species panis. Nam etiam si species pa-
nis non significet refectionem spiritualem, nisi per modum
cibi, & species vini non significet eandem refectionem, nisi
per modum potus: tamen ut aliquid dici possit absolute, & ve-
re Sacramentum, satis est, si significet refectionem aliquam
spiritualem, & eandem reuera efficiat. Quocirca duo illa si-
gnata, species videlicet panis, & species vini, non tam essentia-
les, quam integrales partes huius Sacramenti esse videntur:
ex quo sequitur, ut Eucharistia sub una specie sit verū, & inte-
grum Sacramentum essentialiter, licet etiam pars Sacramen-
ti dici possit, si partes materiales symboli externi consideren-
tur. Dixi autem, (ex parte symboli externi) nam ex parte rei si-
gnificata, id est, ex parte refectionis spiritualis, nihil deest ulli
speciei: squide in spirituali refectione non distinguuntur
cibus, & potus, sed una & eadem res & nutrit, quod est cibi
officium, & refrigerat, siue irrigat, & inebriat mentem, quod
est officium potus. Itaque in diuinis literis iustitia, & sapien-
tia, & similia dicuntur esuriri, & sitiiri, & cibus & potus. Matt.
5. *Beati, qui esuriunt, & sitiunt iustitiam, quoniam ipsi satu-
rabuntur. Vides eandem iustitiam, & cibum esse, & potum. Et*
Eccles.

524 Cap. XXII. De Sacram. Euchar. Lib. IV.

Eccles. 24. *Qui edunt me, adhuc esurient, & qui bibunt me, adhuc sient.* Et Cyprianus sermone de Cœna Domini disens verbis dicit, ad eandem rationem pertinere cibum, & potum spiritualem: & similia docet Augustinus in illud Psalmus 105: *Panis cor hominis confirmat.* Quare Ioan. 6. licet dicat Dominus: *Caro mea Veræ est cibus, & sanguis meus Veræ est potum,* tamen ibidem ait: *Qui manducat hunc panem, vivet in aeternum; & qui manducat me, vivet propter me.*

Iam quod attinet ad aliam significationem; manifestum est in specie panis etiam sola, optimè significari unionem fidelium cum Christo, & inter se. Nam panis, quatenus constat ex multis granis in unum redactis, significat unionem fidelium; quatenus constat ex farina & aqua, significat unionem Christi cum Ecclesia, ut Cyprianus testatur lib. 2. epist. ad Cæciliū. Quocirca B. Paulus, cum dixisset: *Vnum corpus sumus, qui de uno pane participamus*, non putauit esse addendum, Et de uno calice bibimus; quia nimis intelligebatur sola panis specie sufficienter significari hanc unionem. Idem dici potest de specie vini. Vinum enim, quod ex multis vīis confluat, unionem fidelium inter se designat; quod autem in sacro calice aqua vino admisceatur, eodem Cypriano testatur, unionem Christi cum Ecclesia representat. Quod ergo ad hanc significationem attinet, nihil desiderari potest in quilibet specie ad verum, & integrum Sacramentum.

Iam vero quantum ad causalitatem, seu efficientiam, eadem reperitur in qualibet specie Sacramenti huius: nam tota efficientia nascitur ex ipso Christo, qui sub illis speciebus continetur, ut supra diximus, cum de natura Sacramenti Eucharistiae disputaremus. Christus autem idem, & totus est tam sub specie panis, quam sub specie vini, ut capite superiore demonstratum est: quare eadem efficientia est in specie panis, quæ in specie vini; & eadem in singulis, quæ in utrisque simul sumptis.

Huc accedit, quod quælibet species habet propriam materiam, propriam formam, & quod est amplius, propriam quadam actione, & consecratione conficitur, nec illo modo, ut Sacramentum sit, una species pendet ab alia. Nam Dominus prius sub specie panis Sacramentum consecrat, & manducandum dedit, ac deinde manducazione absoluta, sub specie vini.

Sacra-

Sacramentum confecit, & bibendum tradidit. Et Ecclesia Catholica, non sine causa post speciem panis consecratam, Sacramentum populo adorandum exhibet, antequam sub specie vini consecrare aggrediatur.

Accedit etiam communis fidelium consensus: nemo enim hostiam consecratam videns, dicit esse partem Sacramenti, aut Sacramentum mutilum, sed Sacramentum simpliciter omnes appellant.

Accedunt denique typi, & figuræ Testamenti veteris. Quæ enim figuræ erant Eucharistia, ut Sacramentum est, in sola specie manducabili consistebant, vel in sola specie potus; ut patet de pane propositionis, de Agno Paschali, & de Manna, quæ sine potu data sunt: & in aqua de petra scaturiente, quæ sine cibo aliquo mystico data est. Nā etiam si Apostolus coniungat, x. Cor. 10. cibum spiritualem, id est, Manna, & potum spiritualem, id est, aquam de petra: tamen illæ duæ figuræ sunt distinctæ, & diuersis temporibus datae. Manna enim datum est in deserto Syn. Exod. 16. & postea aqua in Raphidim, Exod. 17. Quare Dominus Ioan. 6. vbi comparat Manna cum Sacramento Eucharistia, nullam mentionem facit aquæ; & ibidem Dominus in signum eiusdem rei multiplicauit panes insigni miraculo, vinum, vel aquam non multiplicauit.

QVARTA propositio: *Duae species Sacramenti cum simul sumuntur, non sunt duo Sacra menta, sed unum.* Nō T A duas species Sacramenti duobus modis posse sumi. PRIMO, simul utriam sumuntur à Sacerdotibus, in Missa. SECUNDO, non simul, sed temporibus diuersis, vt si quis hodie solam speciem panis sumeret; alio die solam speciem vini. Et si quidem sumuntur secundo modo, id est, temporibus diuersis; tum sine dubio sunt duo Sacra menta numero distincta. Nam quælibet per se est integrum Sacramentum, ut superiore propositione ostendimus, & sunt ibi duæ diuersæ refectiones, non secundus, ac si quis sub specie panis duobus diuersis temporibus communicaret. At si sumuntur simul, ut Sacerdotes faciunt, tunc non sunt duo Sacra menta, sed unum, quia ad unam refactionem ordinantur, & unam rem significant, & unum effectu producunt. Simile quid cernimus in conuiuiis corporalibus, si quis enim tria, vel quatuor, vel plura fercula eodem tempore ponat in mensa, illa omnia unum conuiuum facient: si vero duo tantum ponatur hodie, & cras reliqua, iam erunt duo conui-

conuiuia. Similiter in Baptismo, si quis eodem tempore mergatur, vnus erit Baptismus: si autem diuersis temporibus tria essent Baptismata. Et in Sacramento altaris, si quis uno tempore sumat duas, vel plures particulas, vnum Sacramentum accipit; si autem diuersis temporibus, plura Sacra menta erunt. Licet enim quaelibet particula integrum Sacramentum contineat, tamen cum adiungitur alteri, non multiplicantur Sacra menta, sed solum augetur, quod est materialis symbolo.

Ex his ad argumentum aduersariorum initio factum respondemus, populo dari integrum Sacramentum, non multum, vel dimidiatum; siquidem in qualibet specie secundum inuenitur veri, atque integri Sacramentum ratio.

DIC ES, si est integrum quod accipit laicus; ergo sunt duo integra Sacra menta, que accipiuntur a Sacerdote. RESPONDE O, negatur consequentia. Nam duæ species simili simps non faciunt duo Sacra menta; sicut nec duæ particulae coagratæ simul iunctæ, vel duo calices sanguinis in eodem alieni existentes; nec tres mersiones sunt tria Baptismata.

Ad confirmationem respondeo, populo datur cibus spiritualis, qui est integra, & totalis refectio, & virtualiter continet cibum, & potum, ut supra ostendimus. Neq; obstat, quod a Sacerdotibus in ipso sacrificio distinctè sumatur Euc hanstia per modum cibi, & per modum potus: id enim sit potius nūm ob sacrificij, non ob Sacramenti integratatem. Neque inde aliquid populus perdit; nam id ipsum, quod sumit Sacerdos sub duplice symbolo, sumit populus sub uno: quemadmodum si vni alicui darentur in vna schedula 100. aurei a mercato re accipiendo, alteri darentur totidem aurei, sed in schedulis duabus.

C A P V T XXIII.

*Non maiorem utilitatem sumi ex Communioni
sub utraque specie, quam sub una.*

SE Q V I T V R quæstio T E R T I A de fructu, qui ex Communione percipitur. Nam postquam totum Christum, & integrum Sacramentum in una specie sumi demonstrauimus; id vnum superest, vnde deamus utrum aliquis fructus iis depereat, qui sub altera tantum specie Euc hanstia sumunt. Et quoniam de fructu Sacra-